


75466/4421(4)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
APR 29 1940



Faint, illegible text visible through the paper, likely bleed-through from the reverse side. The text is arranged in vertical columns within a rectangular border.

北游稿序

詩自四言行爲五七言又有長短句者長句間多至九言十餘言特濫觴於離騷漢魏樂府其後李太白遠別離蜀道難則詩而文矣杜牧之阿房宮蘇子瞻前後赤壁則賦而文矣作者心思蹙縮壅闕於內挾其才氣全憤欲出則飈發泉湧不可以古法繩尺裁量讀者洞心駭目不能執此而廢彼也斯已竒矣蓋五經之文易詩禮春秋各具詩體易小象雜卦傳全用韻書虞書洪範戴記禮運孔子閒居等篇間用韻左氏傳語似銘似謠者尤多

哈佛大學漢和
圖書館珍藏印

後園編年稿卷七
雖諸子亦然以詩爲文者古也以文爲詩賦非古也抑不害其爲古李子蒼存用茂才貢入京師自惟所挾者重不能骫骳隨俗高下以故累試不偶其鬱悒無聊激而爲放宕無涯涘之語長篇浩歌往往有供奉遺風余每歎其才而惜其遇雖然使蒼存之斂其才氣積爲湛深之思將不能以文爲詩復古之制也哉康熙庚午慈溪姜宸英序

後園編年稿卷七

盱眙李嶠瑞蒼存

北游稿

起巳巳閏三月盡是年冬

過高家堰有感

烟草綠迢迢長堤直如矢日落高家堰人投茅店
止我昔過堰頭洪濤湧莫比今來與舊殊木石工
都美淮揚百萬命一線繫於此宵盱時殷憂寢食
忘甘旨廷議日紛紛諸公成狃犄海口不果開重
堤宜可倚疏築事如毛師心态譽毀 聖聰雖確
然親閱殊勞矣誰如大禹神仰襄帝堯理我行不

哈佛大學漢和
圖書館珍藏印

能前日擊西風起時論孰爲平傍徨向春止若言
真是非君還問諸水

宿遷

突兀荒城峙河流帶郭渾堤長都似塢縣小只如
村土屋排山脚魚船繫柳根人家稍復業 天語

罷興屯

頃下屯田之令民多流亡戊辰
春詔罷之居人始稍稍復業

郊城早發

郊子城邊路人行正五更亂啼雞不止將墮月猶
明曉寺鐘初起晴山霧忽生倦來思續夢無奈馬
頻驚

白鸚鵡

隴山家世異尋常別樣風流澹澹妝學得人言桃
葉妓偷來國色雪衣娘月中斂翼疑懸玉花裏翻
身訝擲霜誰辨文成不加點應從江夏覓禰郎

蒙山道中

崎嶇不計路迂迴只對蒙峰望眼開道上人疑無
別事此行專爲看山來

新泰道中

曉行天正霽風雨忽交加子美殘書濕林宗破帽
斜驢蹄傷棗刺人面觸楸花急欲投村避前頭阿

後園編年稿卷七
二
那家

望泰山

岱宗插層霄齊魯觀之首昔覽五嶽圖於此神遊
久今來過山邊山應落吾手僕夫却催人忽忽出
山口我聞登天門日觀最竒陡雞鳴望大海金烏
滿輪走洪濤巨浪中光怪無不有碑從唐立古松
自秦來壽七十有二君封禪臺未朽如何徑經過
欠飲山中酒不踏路嶙峋徒看石怪醜慕山時欲
游到山又掣肘十步五回頭白雲汝知否

德州道中

大道平如掌裝輕蹇易駝棗陰移落照帆勢走長
河廢隴耕人少空場野雉多浪游竟何恃此地漫
經過

易水懷古

七首夫人術未精秦廷僅與藥囊爭數言空落將
軍首一去難消太子兵跼促進圖人不健倉皇環
柱事何成只今流水鳴河上猶似當年擊筑聲

上大司馬合肥公

樞府功名冠紫霄偉人江表出高標立朝事業齊
韓富謀國文章逼董鼂講論座隅皆弟子指揮門

後園雜詩卷七
三
下盡嫖姚金甌會卜黃麻下玉燭還須獨手調

答胡樹旃

武平丰骨玉壺清把臂何期在漢京別度三年鱗
鴈夢交聯兩世弟兄盟埽除塵俗風無敵料理文
章日有聲潦倒長安人嬾問怪君雙眼獨分明

贈丘止所

枚叔起淮陰有名漢文世游梁得子臯又出事武
帝都以詞賦傳先後踵相繼丘子生其鄉英氣干
將銳漢陽爲之父家傳在文藝故屬名家駒千里
桃花驥諸兄各顯官石渠耀棠棣第五真崢嶸聲

華齊驃騎早應登玉堂遊戲金門際奈何尚諸生
長安歲畱滯我本迂拙儒塗窮頻下淚往者居江
南九年三下第今來客京華侯門不敢詣得君稱
好朋縞紵交遂締風開層靄空月上青天霽胸次
淨玉壺疎通少拘忌精思窮性命餘波及藻麗洗
眼看乾坤期許固匪細縱步陟清華庶幾強人意
鵬鳥怒而飛鷺鳩莫驚悸

贈顧在瞻

文章不庇身士乃有貧賤翩翩高飛鴻遜謝梁間
燕顧子拔羣才有如石中瑗少小侍尊人戎伍經

征戰將種而文豪精心親筆硯負笈師名儒講求
今古變四明陳介眉教授羅英彥目以鄭康成高
足聲名擅姚江黃太冲介眉且北面得君亦如之
後堂與歡宴積學日有成揮毫走雷電壯歲歸淮
陰英風直四扇射策不見收杜門羞自炫吉水李
夫子舉眸纔一卷今代重甲科成均脚空踐三十
老明經唐時有此諺其實勢則然諸公那相援我
遇與君同雞肋枉耽戀訂交燕市中白日黃埃纏
不名孔方兄但傍毛穎傳鞭弭願從君曾否許余
善

投侍讀木菴先生

斗南素望玉堂尊儒術重輝舊相門文學官銜推
供奉神仙骨節許長源分燈殿上蓮花大奪錦宮
中賦草存但得九方垂一顧馬非絕足也知恩

贈趙伸符宮贊

國風刪後離騷作楚人語言耐咀嚼江左衰微得
李唐雄辭絡繹扶靡弱勝國諸公罵大曆下視谷
坡如毒藥開元天寶盜衣冠可憐詩人方睡着贊
善風流世無敵少日摛詞便新鑿制舉文章妙一
時翩翩特立雞羣鶴玉堂爾時稱得人宿老咨嗟

後園雜詩卷一
五
避鋒鏑楊柳遍體凌思光芙蓉初日見康樂比來
灑筆日益竒埽盡人間舊糠粕錦繡時時出肺肝
烟波往往歸囊橐禁林近歲嬾說文頗使山林疑
寂寞榛荆塞路着力開斯道主盟方有托我來賣
賦薊臺下十丈軟塵走芒屨懷中刺敝不能出甑
底塵生還自若辨香只欲屬南豐到門不諱輕雙
脚仲宣敢望中郎迎樂天或免逋翁謔永嘉男子
骨既朽萬古心胸少開拓名家勝流非偶然聳身
金馬千夫却趨風雅志為荊州不然吾久還丘壑

聞蟬

日落鳳城深輕風滿樹林清虛微物類高亮好聲
音爽比蘇門嘯悲過楚澤吟貴游無耳聽只感旅
人心

題甘駕部小照

照作踞牀讀書不着冠不對客雙鶴舞
於前而數侍女烹茶煮酒澣藕以進

長安大道無昏曉愛忙客多愛閒少黃埃白日炙
如湯誰人片刻能踞牀駕部風流世無偶忙裏尋
閒閒八九朝罷歸來只檢書門前客去常科首紙
上陳言最誤人一編何事喜相親不吟而玩意自
遠不言而味情自新人疑先生好此減清福不知
先生此時瓦鐺茶正熟人疑先生好此妨醉狂不

知先生此時金卮酒正香一條絲藕白於瑗彷彿
春宵宮裏王母當年獻一雙馴鶴狎於童依稀孤
山宅畔處士舊家風侍兒三五康成婢雲鬢花顏
都適旨披圖六月欲生寒煮雪那誇陶學士

贈宋稗恭

宋子東南秀江鮑之流亞早歲抱竒才善自高聲
價讀破萬卷書一目十行下落筆爲文章一往不
可罷烟雲隨繚繞河海憑傾瀉尤愛學臨池翩翩
鳥飛卸當其得意時古人欲退舍幾令子敬驚直
使元常詫獻賦客金臺眼光八荒射七尺羞傍人

手自立間架論詩最嚴正半字不假借開口敢罵
人時亦遭人罵我來旅燕京偃蹇度炎夏名刺敝
懷中一切客都謝與君獨相親往還省送迓禮法
悉捐除形跡全消化所言入肝肺有味勝啖蔗遨
遊石鼓間往往諸君訝崔駟與孔僖將謂堪方駕
不知我交君讓君方不暇

過吳幼日太史齋中

季重黃初客高文據石渠朝衫仍襲褐宦食似無
魚坦率談儒業辛勤譯國書不嫌布衣訪相見
話徐徐

傳經堂詩應卓次厚

宣尼歷國七十餘歸歟一歎懷泗洙刪述六經教
後世炳如天上懸白榆西狩獲麟孔子死百家言
出人人殊簧鼓三寸篡正義罵譏仁義駭聾愚羸
人一炬何慘毒可憐載籍遭燒鋤漢高馬上得天
下怕見褒衣甚於菟再傳治道尚黃老茂陵好文
徒靡浮銅馬中興首重學風行海內推東都明章
之世號近古期門羽林皆知書維時宿老二三輩
抱殘守闕勤編魚無何式微至江左清言玄釋成
分塗有唐昌黎韓愈氏排斥佛老舌欲枯千年一

綫賴不絕說者猶謂荀楊徒趙宋崛起天運關中
間絡繹生醇儒河南新安後先出師承授受接子
輿吾道昌明如日月歷元直至明興初潛溪正學
灼可據說經一字無模糊姚江旣出創同異金溪
遺緒流寰區諸公議論遂蠻觸主奴縱橫爭陸朱
聖人至理在六籍奈何空作蜉當車卓家有人挺
身立手挽天河洗榛蕪靖難忠臣好孫子霅溪水
畔塘西閭堂開傳經事不朽三葉繼述持門樞伏
臘自用家人禮衣冠俎豆儼畫圖漆室懸燈照白
晝吸咀精髓去殼膚比來文士愛華藻稽古常笑

桓榮迂倡道東南獨維挽胡公教授或不如我聞
風流日已久錢塘悵隔天一隅今年騎驢走燕市
相逢縞紵聯須臾父子才名并絕世翩翩老鳳攜
清雛宋國但知貴魚目魯人那解親鷄鷓示我一
編索我賦小巫氣早奪大巫播揚世業強成什譬
若齊晉雜莒邾六橋三竺妙天下餘杭夙夢扁舟
徂君家此堂更可念苔花影裏書滿幘明年我歸
必買棹神往不獨緣西湖

七夕有懷故園

月破新秋亂綠槐天涯好夕反徘徊茶瓜飮餽人

慵設牛女婚姻事費猜千里風塵羈薊苑半年書
信隔燕臺故園景色年時好記見家人乞巧來

丹壑太史以近詩屬評書此於後

天下論文章楷模仰臺閣近來金馬門筆札似寂
寞諸公貴經濟文藝在所薄卽或一摛詞豐濃忌
清約貴人另有體不受山林嚼吾家謫仙人才多
露鋒鏑闢開作者壘恥被官樣縛吟成千萬篇字
字俱竒鑿黃初未足言建安高立脚我讀百餘過
雙眼爲之廓世固有異境人苦不搜索三伏正炎
蒸幾如冰雪落

詩學雖小道必非淺人能中間無實好外博騷徒
稱塵埃滿肝肺落紙斷可憎所以好奇士耽吟無
寢興當其思入聖不啻參禪僧太史我宗望風流
得未曾於詩嗜成癖曹溪悟上乘昌谷退三舍謫
仙畱一燈野香亭上作太史舊有野香亭集吾昔深服膺誰知
五年別神境進百層方信無止處不學則不增譬
之登峻嶺山頭仍可登

呈袁宗安

江東袁彥伯倚馬著才名海內數肝膽天涯成弟
兄眼因看世大身為杜門清一月少攜手相思夢

已生

不耐通苓染長安悔浪游避人許余就違世喜君
投蟬語風前晚槐花雨後秋新文滿囊篋換得酒
錢不

次韻答潘楚吟

半生山澤養迂疎不合長安久僦居裏足嬾投文
若刺停車誰顧子雲廬秋風對酒聽新鴈夜雨挑
燈繹舊書賴有潘尼稱好伴論詩直欲到黃初

楚吟又索春水船贈行詩有作

冷落詞場舌欲捫天涯尚幸此翁存老猶作客身

常健貧不依人道自尊集古自娛居士錄賣文爲
活茂陵園一船春水邗江月風便何時出薊門

贈諭德徐華隱先生

熙代隆文治朝端集衆儒風雲凝地軸鴛鷺陟天
衢前輩名誰重先生道最腴探書窮二酉作賦擅
三都絕學驚寰內鴻辭播海隅龍門容纂繼虎觀
許追趨家本宣公里官登令史塗彩毫司懲勸青
簡立褒誅一代畱殷鑒千秋佐禹謨甲編成次第
乙夜費勤劬舉世才于寶諸公直董狐搜羅惟紀
實聞見不傷誣萬帙排天祿三條照石渠徹蓮遭

獨厚給札遇尤殊武帝嗟司馬神宗歎大蘇宮寮
當妙選家令特先驅講幄從容啓經詞貫串敷楓
墀登歷歷銅輦侍瞿瞿文綺來天府瓊筵出內厨
寵常加玉殿姓漸入金盃夙昔高山仰棲遲下澤
灑浪游同季子投刺識淳夫雅固凋零久風流竭
蹙扶辨香心最切青眼肯施無

寄宋射陵舍人

淮海文章伯家聲起廣平曾窺中祕富早奪右軍
名草就宣麻美書成賜綺精挂冠神武後吾道有
長城

後園雜年稿卷七
十一
自作秦人隱桃花共索居淒涼聽法曲堅確謝徵
書筆敗多成塚瓜荒力把鋤著成心史未梅福變
名初

劫灰時幾變遺事尚傳流入館驚師相

故明史丞相開府揚州關禮賢

館以招奇士先生與焉

捐家活子侯

故新樂小侯劉雪舫亂後無所依先生與結婚姻營喪葬始終如一日

世

情三里霧生計五湖舟氣節誰方駕崢嶸到白頭
碩果凋零盡靈光峙此翁百年文字福萬事馬牛
風謝氏庭生桂荀家宅產龍鹿門佳耦在天許作
龐公

夜坐聞鴈

響徹燕山月秋風幾陣酣只知尋菽葦未解遞書
函永夜飛何急羈人聽那堪吾嗟不及汝頃刻到
江南

韓陶菴以試文越次授官於其行也索詩

為贈率賦近體一首陶菴心康中丞令嗣

恭謹家傳萬石箴中丞遺澤到於今十行文字成
螭陛一日聲名冠羽林孰古自多持世志受官豈
少愛人心城南閶闔高韋杜應繼先公早作霖

贈楊翰編芝田

我昔遊毘陵歷覽山川蹟繫舟季子祠解纜長河

側慨想薛仲常緬懷唐應德有明逮中葉兩人生
并域文章成大家王曾直分席二百餘年來其道
常赫奕奈何入我朝風流頗寥寂再求此輩人眼
中不可得間氣不易鍾蒼天殊愛惜特生揚子雲
大壯漢廷色少小負異材竒字無不識聳身繼往
賢早通金閨籍故屬王謝家復占嚴終職從容金
馬門著述多餘力落筆無點塵宿老嗟勅敵聲華
日軒騰不脛走都邑前年主京兆立意鋤荆棘竹
木都遇陶桃李盡逢狄敬輿盛門生永叔釐文格
勝事苦難兼歷科此僅覲我生瓦礫姿不是連城

璧置之長安衢一錢恐不值若與項斯衡百千未
抵一敢望敬之憐逢人說嘖嘖

中秋夜坐有懷于行緘子惠人菊村

分手殘春記陌頭天涯不覺又中秋悲如騎省空
驚緒困比文園欲倦遊千里飛鴻稀得信一輪好
月未消愁故人此夕銜杯醉曾憶燕山旅客不

四明山贈姜西溟前輩

四明山非人間二百八十峯迴環自從賀監得名
於此地邇來一千餘年緬想黃冠顏風流狂客死
去罕人繼空聞鑑湖之水終古流潺潺天地靈氣

不終靡突兀海邦產竒士竒士者誰厥才真挾天
句章城裏姜肱之孫子少小年齊終賈時快利直
逼哀家梨鄴侯架上讀破書萬卷郭璞手中授得
筆一枝長卿札底吐出凌雲賦康樂舌間奪來初
日詩自此聲名動天下不脛而走薄海知敦槃玉
帛執牛耳齊盟狎主壇坵南天涯冥冥主張教不
利汙溲頻被鎖廳棄鸞鳩之羅未足網怒鵬駑駘
之銜不堪馭騏驥十上隨他不見收名山計爲千
秋地著書綴文生活佳巍然峙作靈光視 主上
宵旰過唐虞聖不自聖渴愛聞訃謨 詔集儒臣

搜求勝國遺事成一史用作興亡治亂忠佞賢姦
圖扶風班氏龍門馬紛紛誰是齊驅者知幾篤論
具三長先生古之良史也腹笥如海聞見真銀管
落處絕點塵大臣首以姓名上 天子曰吁吾稔
知其人特令待詔翰林院月給俸錢供米薪受命
入館不肯自暇逸蒐羅訪緝力任在一身官紙朝
朝請盈筐集稿高來過麈尾成編有日力未疲地
下稱快一十六朝鬼我騎鈍蹇游京華思見異人
願頗奢嬾投文若稚長刺獨依君是文章家前日
一見歡喜欲絕倒今日逢人樂比得覩優曇花前

後園紀年卷七
輩典型非復舊碩果猶存稱領袖秋風瑟瑟桂放
葩好天恰值懸弧候一篇詩爲君吟一樽酒爲君

壽值先生
初度

高陽李文勤公寓園

都市有山林敲關此一尋闢開仙子境費過相公
心曲榭秋生蘚雕梁夜宿禽平津捐館後東閣幾
人臨

答陳伊水

誤作長安客蹉跎任滯畱馬卿難賣賦潘岳易悲
秋世事竒如蜃身謀拙比鳩故人青眼在肝膽照

吳鈞

雀羅門欲設還往獨君頻太白麤疎客元龍意氣
人志因窮欲挫情以澹成真知道移居否蝸廬僅
置身

答凌秋渚沈薌巖

落拓京華少客知二豪偏肯贈新詩緣深揚子移
居近才盡江郎屬和遲晴日鴈飛千百隊秋風菊
放兩三枝郢中高唱原難繼不是巴人筆嬾提

買菊

菊近重陽放呼童買市頭一枝何足愛憐是故園

秋

贈黃俞邵前輩

先生閩海英少長長千里詞場主齊盟人人執鞭
弭我年角巾時姓名早在耳不得從之游溯洄秦
淮水適逢右文朝 詔修前代史操筆難其人山
林訪遺士大臣薦剡上徵書到江沚應 命入京
華著作蘭臺裏銜清不授官月俸太倉米恩禮旣
優崇刻意成傳紀記事極分明公非亦公是 上
稱所爲文體蓋遷固比纂修十載來史稿堆千紙
但占文字榮不染簪纓累我夙慕風流至今愈仰

止渺然無見期夢想金臺址今年游太學騎驢走
燕市乞憐光範門嬾學昌黎子雞壇宿老中竊欲
尋知己生平願見人尤在涪翁矣挾刺試投之下
階果倒屣楊公說項斯蘇公揚李廌不吝牙頰間
千古傳爲美江夏故無雙典型幸在此敢冀逢人
道惟思聽風旨旅舍只比鄰往還易移履弱小未
成軍可容傍堅壘

次韻俞扶九重陽前二日飲集李懸圃寓

齋之作

牕迎山闢放秋嵐酒近黃花酌更甘都作郭隗來

冀北不同庾信賦江南牛腰未竟終年讀塵尾還容鎮日談舊說南皮遺事好杖頭輸與步兵酣

九日雨坐答宋又宜

風雨簷牙竟日譁又教好節度天涯閉門且自師

高適高適九日詩閉門無不可何事更登高落帽何煩羨孟嘉酒事廢弛空

蓄甕菊胎乾瘦不成花誰知騎省悲秋客還比温

岐手八叉

重陽後一日九畹厚文小集寓齋別後以

詩索和率答二首

秋街步屨走斜暉塵尾敲開竹板扉名士風流新

白恰故家文物舊烏衣交深車笠過從易話入肝

腸忌諱稀雨後菊花開正好重陽渾似未曾歸

古寺門空欲設羅金羈輕俊肯相過詩同供奉成

偏速酒比東坡飲不多紅葉亂飛驚節序綠燈頻

翦說蹉跎插萸擬補登高事月上城頭奈夜何

夜坐聞彈琵琶

鷓鴣絃動紫檀槽花底流鶯語絮叨若使岐王筵

上奏不傳摩詰鬱輪袍

浙瀝霜風透紙牕蝦蟇墓陵下善才腔誰知客況非

司馬不及當年在九江

次韻周秉節劉介于菊

一生愛花尤愛菊每到高秋植盈屋今年作客羈
燕山潤絕東籬負清郁吳趨二子擅風流銀管輕
描豔綃縠天涯得此況大佳燈前摹寫盡寒煜歌
成示我妙入神栗里光陰恍在目北方九月雪或
飛浙瀝嚴飈零萬木黃裳仙子態偏新耐久交情
凋不速詩人有詞贈一篇詩人有酒傾一斛扶枝
翦葉勤周旋千里棲遲破幽獨長安也有說花人
足音那不驚空谷

高人自昔多心賞鶴作兒曹石呼丈況乃霜枝一
徑黃從來秋色因他爽我昨廟市見萬本錯落懸
如雲母幌徘徊欲買囊無錢空憐花格清無兩君
從何處得爾許客廬頓與南陽彷彿紫豔真疑李泌
袍素英直奪王恭篋近月玲瓏密遶身臨風搖曳
高齊穎八又作賦推温岐三刻成詩傳到沆對花
少解爲花吟二妙誰知出吾黨京華有此當山塘
南望何須動歸槩

來詩云夢入山塘棹輕槩山塘吳門菡市也故以此答之

毘陵二豪行贈楊鳧令錢亮功

毘陵城中士如蟻中有二豪陡崛起少小騰譽闕
江南奮筆常完千百紙寶劍英英鋒向人不肯低

後園編年稿卷七
頭居下里騎驢襍被來京華姓名聒碎公卿耳我
從戴子^{山平}交楊生又因楊生友錢子楊也愛書勝
愛官萬卷填胸致可喜上下千秋在眼前絕少塵
氛入牙齒錢也侍御好諸孫名家勝流氣奔兕吉
水吾師鑒賞真衣鉢十三首屈指兩人大段不盡
同摘辭都挾騷徒髓鼓舌時翻江鮑波聳身直奪
曹劉壘平山說文不說詩朋游却在詩人裏我於
詩學徒面牆尤較平山低倍蕙詩人何乃雙眼青
傾蓋歡同僑札比盈川既共數晨昏仲文又復投
蘭芷吾輩分明有夙緣天涯聚合消渣滓青雲路

高三萬程輕薄兒郎曳朱紫只有腐儒百無用破
帽蒙頭脚欠履范叔綈袍贈者稀東方腹空飢欲
死唾壺擊碎將奈何賣文爲活而已矣我今勸君
勿歎嗟意氣寧因飄泊靡雖無衛霍可結援尚有
班揚足驅使詞場翹首爭千年不妨寒餓隨燕市
朔風正嚴雪正飛潞州瓶酒滋味美炭買西山擁
火爐大開口笑論文史皇天生才非偶然我欲偕
君執鞭弭薊門游子豈無人獨舉二豪誇有以君
讀我詩應細思莫謂李生不知已

送陳子厚歸海寧

時以飲酒
觀劇被累

後園雜年稿卷七
風波多處是長安一曲聽來徑出關但見酒杯傾
子美不聞絲竹累東山浙江潮白搖鄉夢薊苑塵
紅變客顏雞肋且拋君莫恨歸歟身脫是非間

次韻謝胡樹旃借書

冷編幾費夜燈紅博得窮愁比敬通泥古好談干
載上藏身耽入五車中麤疎絕少生花筆辛苦徒
爲食蓼蟲楊子牀頭分一帙荊州許借喜差同

二許歌爲海虞許暘谷錢塘許霜巖作

長安百物值阿堵只有文章賤如土一年縱賣一
千篇未聞救得身襤褸耐寒甘餓依殘編世間莫

若儒生腐誰知丁卯得名來又見詩人雙姓許暘
谷家世居虞山夙作雞壇牛耳主似從宗伯得淵
源焦風集上芝蘭吐霜巖少小橫錢塘翩翩獨出
新機杼西湖花柳幾經題筆陣強過射潮弩前年
先後入薊門棲遲各傍臯家廡裘敝雖艱製鷓鴣
賦成共豔鳴鸚鵡聲華嘖嘖走帝都齷齪兒曹
那堪數我來燕山性最疎時宜不合東坡肚自是
山樗少適用本非長袖難言舞出門怕惹名流嫌
埋頭不敢尋人語傾蓋忽然逢兩君爾汝定交聯
縞紵或如渡江孫伯符精悍時時露眉宇景文顏

後園雜年稿卷一
狀疑都頭萬軸胸中實千古或如游仙曹堯賓豐
肥軀體凌儕伍玉環傾城不在瘦未許譏嘲類水
牯吾道比憂種子絕僞體登場炫狂瞽手挽天河
洗積埃屈宋一燈始重炬人生難得是好朋況乃
天涯作羈旅騷魂豔魄忽在前空山鬼嘯迷風雨
不可無一竟得雙警若孤舟初獲艣宣武門前十
字街居隔衙衙無百武挑燈卽未共連牀論心何
憚偕揮塵拘牽畱我耦陳三輕巧隨人師鮑五冷
澹生涯在苦吟眼底惟君是吾侶

送李縣圃通守敘州

出牧分符路五千歲寒風雪去翩翩漢臣自是應
持節蜀道誰言似上天巫峽雲生沉古棧瞿塘花
放聽啼鶻官閒早製驚人句分付成都備薛箋

送潘介維宰博羅

燕市逢君意氣生鳥飛又指五羊城地過嶺表原
居勝官比河陽自有名藤菜堆盤春酒熟木棉洗
雨瘴烟清莫言此去懸黃綬只爲羅浮也合行

太平園

京師演
劇之所

新曲爭謳舊譜刪雲璈彷彿在人間諸郎怪底歌
喉絕生小都從內聚班

羯鼓聲高細管清錦屏絳蠟映雕甍只聞歡笑無
愁歎園裏風光是太平

商南令

有引

竟陵盧僎以進士起家爲商南令丙辰三月寇勢
大熾君練兵固守屢戰屢捷久之援絕城陷君乃
以身殉焉事平贈按察司僉事友人許暘谷爲言
其事屬予作歌

君不見商南令文筆三湘著名姓起家本自一書
生那識箭翎與弓柄安史跳梁負國恩秦關百二
虎狼吞渭波染血流赤水一官却入萑苻屯綬輕

如葉臣何爲刻刻提刀思殺賊一朝援絕城弗支
就死全無可憐色男兒七尺扶綱常引頸受刃非
慨慷天延凶黨旦夕命早已成就張睢陽潢池蕩
埽平梟獍褒忠典舉承新命青簡終爭日月光偷
生莫爲諸公慶君不見商南令

巳巳除夕

歲殘尤易感天涯客久誰言便忘家深逕迷濛多
雪片小牕寥落少梅花王郎榻上氈常冷卓氏壚
頭酒不賒一歲可憐如此度腐儒何苦戀京華

後圃編年稿卷八

盱眙李嶠瑞蒼存

北游稿 起庚午年盡
辛未二月

人日登宣武門樓

城上高樓不記層春來七日最先登金遼殿閣雄
雙闕許史衣冠盛五陵風攪斷烟蒼鴈過山銜斜
照白雲增吳綾十幅湘東管作賦須才愧未能

白塔寺

苑起承安剩故墟 國初就地創浮圖地連 禁
闕濃烟月春到游幢豔火茶妙麗榻鋪三尺錦光

後園編年稿卷八
明燈照一條珠西僧別識如來性不供清香供酪
酥

初食鐵腳

小鳥何從至霜餘乍得嘗不須高價買能使客庖
香烹飪從南法鮮腴擅北方蘇州美黃雀較此畧
相當

車中麗人行

春光着人正月初長安大道多游車車上檐帷錦
樣鋪車中麗人花不如年可三五二八餘舌尖吐
語嬌鶯呼步底生蓮絕世無鬢邊插釵明月珠遠

山眉黛京兆摹雲鬟半帶南方梳東風暖不侵肌
膚相與結伴恣歡娛侍兒成行爭走趨自能上馬
不待扶問秦羅敷阿誰夫前日固山今尚書海南
沉水香盈裾高麗烟出鮮脣朱正陽纔過三叉塗
又到西華十字衢雕輪畫轂行徐徐日暮不歸何
所徂上元放燈賜大舖白塔門開集貴輿大小西
天道未迂國師高僧坐跏趺黃衫赤帽釋迦徒禪
榻整設紅氍毹玉體倦來不用虞橫陳一夕叅空
虛金水橋邊冰漸蘇御溝楊柳眼欲舒光景可憐
意躊躇覲面嬾避執金吾仙姬豈是人間姝

後園編年稿卷八
投宮詹王阮亭先生

我昔齟齬年授書就外傳聞公起新城杜韓壇早
踞筮仕廣陵城吟成秋柳句

先生司李維揚時以秋柳詩徵和江淮間予之知先生名自此

始唱和滿江淮流傳到童姬維時髮未燥茫茫昧
箋註但知震盛名那解窮深趣稍長學弄毫爲文
求弗誤考古問淵源立言覓根據辭場諸鉅公赤
幟巍然樹浪藥與浮花私衷頗未喻心折獨公詩
諸法靡不具或新如錦繡或古如韶護或正如日
月或幻如烟霧或平如康莊或險如灩澦或猛如
雷霆或緩如良御或澹如遙山或輕如墮絮或濃

如醇醪或清如滴露當代卽有人典型似凋獲特
立霸斯文公乃稱獨步嗒肉黥白公捐金鑄賈簿
我願竊亦爾阻修難就晤僻居淮水濱十載蓬蒿
住東望岱宗雲北眺金臺路公時官戶曹特達逢
知遇入掌翰墨林望重清華署又聞領成均藥籠
收殆庶畱心種桃李國子齊奔赴不得褰裳從羈
同被置兔空懷執御心莫遂後堂慕去年入長安
軟塵蝕芒屨敝裘典青錢僦得僧廬寓願華地位
崇頌說名流附庶幾獲見公臯比請借箸却當謝
安石休沐東山去人言廿年前輦轂風流聚合

肥龔端毅文筆迷風雨好士由至誠東閣人爭驚
墨陣日縱橫一時崇雅故自從尚書死中流柱遂
仆士卑不如狗觸處遭嫌惡徒經碣石宮悔過桑
乾渡踵事公一人弘長開藝圃乞假卧家園士皆
翹首顧攬轡還中朝士皆加額語雙牛已難挽一
燈賴未炷我刺在懷間久擬投無處徒步急到門
升階覲丰度昌黎望斗山學徒夙驚懼却爲胡瑗
和不作孫何倨談笑比春風藹然接韋布國家方
承平公卿避點污藏頭怕見人閹兒虓虎怒吏事
日孜孜縹緗久觸忤頗聞文學官亦薄文章務先

生獨弗然頽波挽東注大聲說風騷又復勤吐哺
信哉前輩人門戶持寬裕我有一瓣香拈來奉子
固硜硜視後山此情尤較著但愁南豐老雙眸嬾
輕覩遇我同衆人棄作霜餘瓠篋笥有奧義講論
不得與昔者賢豪輩始進艱枝梧必邀先達知荏
苒舒長馭王粲中郎迎何郎彥龍譽項斯值敬之
杜牧遭僧孺詎無所以然齒牙動吹噓紙價貴洛
陽士安能重賦須知左太冲原教士衡怖許可良
慎重聲華非倖佈我才百無能干霄稀健羽偃蹇
滯京華譬諸鳥在笈詩篇縱日拈妍媸都未悟夫

子今水鏡藻鑑嚴蒼素牛耳走中原五兵森武庫
是非取折衷酣夢須呼寤但膺一字褒勝獲連城
助願見既有年執鞭嗟已暮生光乃號珠不壞纔
稱璐未知當洪爐可堪備陶鑄

送姜西溟黃俞邵兩前輩奉

命南歸

時以

修一統志從
崑山徐尚書

十載京華住高名薄海聞不居臯朔職偏著馬班
文辛苦年編就清閒月俸分柳條春乍綠却惜又
離羣

帝知文筆健許共重臣旋清秩齊弘景遺聞拾子

年里居無世累家食有官錢待得書成後重來報
九天

送黃自先別駕之官大理

牂牁江隔萬重津持節功名屬漢臣莊躡城池雄
外徼韋臯恩信服南人獠鄉地濕年年霧蠻洞花
開日日春此去應知官況好昆明久已息風塵

飲金穀似寓齋有贈

軟紅十丈累京塵暇日招邀獨見親前輩風流存
故步本朝文學數傳人牕前芸滿探書好戶外車
停問字頻酒熟老盆安穩醉春光駘蕩杏花新

花朝刺縻園送查夏重歸海寧卽席同楊
鳧令錢亮功趙星瞻許暘谷南極嚴寶成
杏修拈得朝字

薊門風雨布衣驕又觸征塵去一朝世界不妨遭
蕙苾詩壇終許占嫖姚客中對酒傾三雅湖上聽
鶯到六橋執手莫輕今日聚山桃花下欲魂消

兩山歌爲劉大山賦

江浦之城大如斗人言其中百無有誰知靈氣鍾
此間前有定山後大山定山當年氣最悍翰院批
鱗甘逐竄著書講學望益高二百年來人想歎劉

生崛起才力竒文章夙具超凡姿江左風流在此
矣說着姓名無不知古人今人不相見但道古人
神色變定山已往大山與兩山相望如相踐青雲
高高杳天關看君轉眼登仙班若言江浦之城大
如斗不應名流絡繹生等閒君不見莊定山

送九畹歸興化

京國幾年遊倦江鄉風景填膺馬卿新賦慵獻張
翰輕舟喜乘牕下筆牀硯几門前蝦蟆魚曾抵家
想見春老滿眼秧針綠塍

一肩蕭然行李千里悠哉遠塗燕子畫檣刺矣桃

花春水歸歟軟紅薊苑塵埽重碧滄州酒沽僕本
恨人惜別旗亭柳折千株

簡戴田有

才名久向皖江聞京國飄零喜得君程曉無心趨
熱客柳開着意變時文縹緗卷擁紅藤酒蚪蚪書
飛白練裘田有亦拙于書與予同病此語蓋以為戲桂折一枝秋不遠馬嘶
千里看空羣

贈彭直上太史

河北盧崔閔閱綿龍門續史又生遷筆排金粉原
無敵官近蓬萊豈不仙院吏日供花下酒都人爭

誦館中篇沉香亭畔新承召紫禁朱櫻賜幾圓

長椿寺薔薇

宿雨初晴落照斜薔薇一樹老僧家若非世上無
能客那有工夫獨訪花
微如中酒一枝酣搖曳東風媚佛龕古寺不來游
半日誰知春色似江南

潘書原太史生日

四月初八日

文章江左擅風流記得當年說解頭牘滿一千傳
藝苑卷開三萬典瀛洲盧郎丰度温如玉楊子門
庭澹似秋却喜懸弧同浴佛翻塔紅藥是丹丘

後園雜年雜卷一
送諭德徐華隱先生典試黔中

館閣文章天下宗阿誰獨擅鼉董風石渠諸公固
林立方今孝穆尤稱雄立言往往造邃古取鑄月
露雕魚蟲漢廷知遇勝嚴馬出入侍從明光宮手
成史草厚盈尺夜深銀燭三條紅官階日遷近銅
輦家丞秋實推何顛帝心簡在亦已久特命校
士牂牁封人言西南羅施國犵狁盤踞箐叢土
俗荒陋稀向學詩書絃誦聲則空豈知材生不擇
地山川間氣到處鍾國家承平文化遠安見不與
鄒魯同竒珠須覓驪龍採美璞貴得良工攻夫子

行矣持水鏡一方桃李歸藥籠想見得人盛殊昔
夜郎烟微欣陶鎔木樨香飛使車到怪峯名水經
千重龍標太白舊游地後人壓倒前人蹤歸來斷
就入黔集萬言秀削青芙蓉

少宰吉水公攬揆之辰凡門下士皆上詩
稱壽嶸瑞拙於言者隨諸君後亦以頌禱
之私恭呈長句四首

冰壺鑑遠藥籠尊桃李林容枳棘存詞賦未堪傳
漢殿姓名空說出歐門清琴誰贈千金價駑馬常
懷一顧恩今日摳衣階下拜華陰黃雀復何言

鴈行森列五雲中獨立螭頭望最隆薄海蒼生勞
 謝傅中朝啓事賴山公甄陶一代心常切清白終
 年索自空門掩戟枝惟展卷羔羊誰得挹餘風
 銓衡手掌冠仙班官比昌黎重斗山清節眷深
 明主意聖書喜動選人顏文成萬卷牛腰束新刻白石山房
文集史領 三朝免尾斑奉命總裁公退何嘗忘講論
告竣

戴宗許侍後堂還

榴花紅奪曙霞鮮正是崧高誕降年賜食屢分光
 祿膳入朝新插侍中蟬稱觴後輩羅鈴下捧履門
 生滿座前只有侯芭無可報金甌惟祝白麻宣

卧游堂馴鹿歌呈合肥公

卧游堂前數竿竹竹葉森森覆馴鹿小欄低檻作
 洞居終歲依依似家畜野性從來樂在山長林豐
 草恣往還竭來華階歷歲月豐澤偏無憔悴顏京
 華地熱非林壑優游却免虞羅縛賓客來時解起
 迎怡人大勝林家鶴我公功業傳海隅身居魏闕
 心江湖 君恩深重報不盡忘家為國叅訐謨朝
 退時時意相屬散步檐前一寓目左右承顏不跳
 梁鹿亦有知似銀鹿子昇當日喜聽驢支公方外
 耽名駒不離耳目近玩是何如此物真堪娛渴飲

後園編年稿卷八
九
清泉飢啖豆養成反笑山麋瘦昂首應思乞品題
高眠那復懷園囿聲利紛紛嬾繫情退食但愛呦
呦鳴居朝何異在野況我公門真如水清噫嗟嗟
我公門真如水清

下第感懷二首

青衫鶉結耐風塵又作長安下第身賦獻十年都
似夢塗窮半世不如人全無把握疑新管最有因
緣感舊巾頭腦冬烘何必問戰場文炫子瞻神
一肩行李寄天涯那有琵琶奏主家敝帙零星沉
醬甕疲驢辛苦踏槐花真疑卞氏能搜玉錯料劉

公不嗜痴三匝可憐無地宿全枝都付上林鴉

送吳征吉落第歸蕭山

香名早歲飲湘湖射策今成叫鷓鴣萬事已知歸
一夢十年真悔賦三都屠龍自信猶存劍彈雀何
須竟用珠釀酒薊門今日別窮交相對慰窮塗

題畫

白浪掀天一葉船四山無影樹如烟此中却有人
家在斷是襄陽孟浩然

孔東塘國博一見拙詩亟加賞歎因示所
著湖海集索為評定遂書其後四十韻

後園編年私稿卷八
學詩二十年自謂頗有得鳳樓百尺登蠶叢五丁
闢長語敢欺人生平實着力挾此以自娛寒餓當
衣食吟多稿成堆嬾不自收拾昨歲來燕山囊偶
攜一冊問之長安人半錢都不值子昂空碎琴中
郎那辨笛惟有新城公副憲王阮亭先生一見輒歎息時時
對公卿獎藉如弗及曰李生長歌我朝之太白舍
是何寥寥甚且施彈射覽字少分明雙瞳豈不黑
今年落第後杜門守岑寂怪事向空書日作悲秋
客破帽冷蒙頭誰曾解憐惜傾蓋逢博士相親如
舊識我把所爲詩請以高深益先生讀之驚顧乃

欲避席昌歎嗜周文羊棗癖曾哲亦如王中丞稱
道口嘖嘖探橐出新編歷落厚愈尺謂我可與言
命效他山石再拜捧持歸挑燈諷終夕紙上走烟
濤行間飛霹靂聳如崖畔松冷比霜中荻澹擬雨
後峯細甚機頭織字字俱生竒篇篇總及格大致
出離騷原本從三百江左安足言浸淫漢氏室我
生百無能貢諛尤未習見人佞文章往往面發赤
心折湖海吟誇詡無慙色物態悉撈籠人情極鏤
刻詩人如牛毛見此舌應咋吾道就衰微頽厦望
扶植國子清灑官風波稀指摘牛耳啓雞壇生徒

後園雜錄卷一
十一
自雲集勝事傳京華麗句騰胸臆孔李舊通家何
妨稱莫逆

初冬集合肥公卧遊堂同朱人遠浦鷗盟
宋又宜張繩思程漢赤分韻得蒿字

鄉思時繫故園蒿尚喜天涯聚布袍戶似子瞻非
酒聖吟如夢得是詩豪雪前釀冷爐生火霜後添
肥蟹帶糟卜夜不辭頻剪燭麗譙鼓響月華高

送衡麓宰錦縣

早年黃綬繫腰間毛義何嘗露喜顏鴻爪十程遼
海雪犬牙百丈塞門山風清袖底名應起吏散庭

